

Zeitschrift: Le nouveau conteur vaudois et romand
Band: 92 (1965)
Heft: 3-4

Artikel: A noutr'ami Albert Chessex meimbre d'houneu dâo "Tourisme à pî"
Autor: Badoux, R. / Chessex, Albert
DOI: <https://doi.org/10.5169/seals-233871>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 04.08.2025

ETH-Bibliothek Zürich, E-Periodica, <https://www.e-periodica.ch>

A noutr'ami Albert Chessex meimbre d'houneu dâo «Tourisme à pî»

*Ion-dou !
Ion-dou !
Adhî ein-an, adhî ein-an !
Lè dzouvene et lè pllie villhiou...
Ion-dou ! Adhî ein-an !
No fau châidre Albert Chessex.
Djamé vo z'ein répeintrâi.*

*

Itinéraire mimerô 1 : Po lou forî !

*Lè lou forî
mé z'ami !
Cllière lou pecosî,
Budze la fremî...
Vo fau vère frètse follhie dzernâ,
Vo fau oûre suti coucou tsantâ.
Dè tsî vo fau sailli.*

*

*Vo vu dere per iô, per iô passâ vo dussî :
On dzo que cllièrèrâ lou sélâo, du tsî vo,
A veint vo fau terî, vè lo villhiou tellhio.
Pu la sapalla merîde, iô sè gâle l'étiairu,
Quand vo z'arâi la violette,
la violette prâoacheintu,
Quand vo z'arâi la maëintse,
la maëintse prâo oïu,*

*Vo vo rétsaudâde âo sélâo dâo forî,
Pu à l'ottô reintrâde, lou tieu tot rédzöi.*

*

Itinéraire mimerô 2 : Po lo tsautein !

*L'è lou tsautein,
Bounè dzein.
Cllière lou coclicot,
Subllie lou loriot.*

*Vo fau vère stâo bllionda messon,
Vo fau oûre dè z'ozî la tsanson.
Dè tsî vo, vo fau llien !*

*

*Vo vu dere per iô, per iô passâ vo dussî :
On dzo que fâ bin tsaud, l'einvia vin dè
[drumî.*

*Du carrô dâo bornî, dè bise fau terî ;
Pu lo publio merîde, iô gorgosse lou ru.
Quand vo z'arâi dâo ru l'igllie,
l'igllie prâoacheintu,
Quand vo z'arâi la renaille,
la renaille prâo oïu,
'na beinnaïe pequâde, dè coûte lè pesson,
Pu à l'ottô reintrâde, âo tieu, dè refrezon.*

*

Itinéraire mimerô 3 : Po l'âoton !

*Vâiquie l'âoton,
Bovairon !
Cllière lou colchique,
Zônnelou mécanique.
Vo fau vère arâ lou paysan,
Vo fau oûre lè vatse dein lè tsan.
Dè tsî vo, via Branor.*

*

*Vo vu dere per iô, per iô passâ vo dussî :
Du lo tsâno dâo prâ, iô tsîsant lè z'allian,
Tot drâi vo fau allâ, tot drâi dein lou
[niollan.*

*Pu lo corbé merîde, que fâ croâ po salut.
Quand vo z'arâi foumâre,
foumâre prâoacheintu,
Quand vo z'arâi senaillè,
senaillè prâo oïu,
Dè z'alogne einfatâde dein la catsetta,
[prévon,
Pu à l'ottô reintrâde, conteint à tot dè bon.*

*

Itinéraire mimerô 4 : Po l'hivè.

*Vâi-quie l'hivè
Daniet.
Cllière lou glliaçon,
Socllie l'aquilon.
Vo fau vère la nâ su tsan et bou,*

*Vo fau oûre fiére lou tsaplia-boû !
Allein, met ton bounet.*

*Vo vu dere per iô, per iô passâ vo dussî :
Tracouâde dein la nâ, à l'einto dè méson,
Pu, pè la bornatse, dein la câve, a noveyon,
'na fioula vo merîde, dâo vin que sâi pâ bu.*

*Quand vo z'arâi boutsî,
lo boutsî prâoacheintu,
Quand vo z'arâi la bise,
la bise prâo oïu,*

*Lè z'égrâ vo comptâde, dè poueinte âo à
l'dzénâo,
Pu à l'ottô reintrâde, à tsavon benhîrâo.*

*

Itinéraire mimerô 5 : Po lo Paradis.

No sein âo Paradis

Lè z'ami.

Lè Patoisan l'è vant tî !

Cllièe l'arc-ein-ciet,

Tsante l'andzelet.

Vo fau vère lè dzein dè la pèrotse,

Vo fau oûre guelenâ dè clliotse.

Bondzo fau dere âi z'ami.

*

*Vo vu dere per iô, per iô passâ vo dussî :
Ao bureau dè z'eintraïe guegnîde ein
l'amom ;*

*'na ball'êtâla merîde... Vo z'ai min dè
l'couson :*

Albert Chessex l'è ique, ique dein lou blliu,

Quand vo z'arâi lè patoisan,

lè patoisant bin recognu,

Quand vo z'arâi on verro,

on verro avoué leu bu,

*Lé d'amom vo restérâi — no sein bin,
l'pâ veré ? —*

Avoué lè z'andze brâmèrân :

[« Vive Albert Chessex » !

R. Badoux.

On régent dzoratâi ein Allemagne

I. A Bremerhaven

Lâi a cinquanta et quoquè z'annâie — l'étai dan devant la dierra dè 14 — mè trovâvou por quoquè mài à prî dè mille kilomètre dè Losena, à on eindrâi que lè Brêmoî l'avant atsetâ dein lou tein dâo râi dè Hanovre po pouâi lâi établi on poo dè sorta, yô lè plye grô navire pouessant abordâ. Se vo vouâtidè la carta, vo pouâidè vère que la vela dè Brême l'è su on fleuve, la Weser, et que Bremerhaven l'è à prî dè 60 kilomètre plye ein amont — su la carta, bin su ! Et quan vo diou que y'été à Bremerhaven, n'è pas tot à fé juste ; lou territoire que lè Brêmoî l'avant atsetâ étai trâo petit por la vela, que l'avâi débordâ dè l'autrou côté d'onna rivière, la Geeste, yô étai Geestemünde ; lé, on sè trovâvè dein lou payi hanovrien que la Prusse l'avâi annexi lâi avâi quarante à cinquante ans.

L'è on payi tot différeint dâo noutrou. Dè ti lè côté, l'è tot plliat ; lè plye hiautè montagne, asse lyen qu'on pouessè vère, l'è lè digue dè houet mètre dè hiaut que bordant lou fleuve. Quan fâ bî, lè dzein dè la vela sè lâi promeinnant lou tantoû por vèrè sélâo sè mussi. Ai gran dzor, cein dourè grantein ; seimblè que pâo pas sè décidâ ; liquè adî plye lyen à drâite devant dè sè catsî. Poré, bin su, vo parlâ dâi maison dè payisan âo tâi couvè dè paille, dâi vatsè nâire et blyantse que sant dzor et né dein lè prâ, yô restant bin tranquillè tandu que lè fennè lè z'ariant sein sè chetâ, dâi rio qu'on ne sâ pas dè quién côté ye vant, et dâi gran navire, et dâi pesson dè totè sortè et dè totè grantiâo que dâi canot apportant du bin lyen, du que lâi a assebin on poo por l'arrevâdzou dâi pesson.